

**OPŠTI USLOVI
ZA KORIŠTENJE USLUGE MOBILNOG BANKARSTVA/SMS**

ASA Banka d.d. Sarajevo

SADRŽAJ :

OPŠTE ODREDBE	2
POJAM USLUGE	2
OBIM USLUGE	2
KORISNICI USLUGE/KLIJENTI.....	3
PREGOVARAČKA FAZA	3
UGOVARANJE USLUGE	4
NAKNADA	5
SIGURNOST	5
NALOZI ZA PLAĆANJE	5
RASPOLAGANJE SREDSTVIMA.....	6
BLOKADA USLUGE.....	6
OBAVEZE I ODGOVORNOSTI KORISNIKA USLUGE.....	4
OBAVEZE I ODGOVORNOSTI BANKE	7
OTKAZ USLUGE.....	8
OBAVJEŠTAVANJE I REKLAMACIJE	8
PRAVO NA PRIGOVOR	8
ZAŠTITA TAJNOSTI PODATAKA O RAČUNU	8
ZAVRŠNE ODREDBE	9

Na osnovu člana 55. Zakona o bankama („Službene novine F BiH broj 27/17), na prijedlog Uprave Banke, Nadzorni odbor Banke na svojoj V sjednici održanoj dana 22.11.2019. godine, usvaja:

OPŠTE USLOVE ZA KORIŠTENJE USLUGE MOBILNOG BANKARSTVA/SMS

OPŠTE ODREDBE

Opštim uslovima za korištenje usluge mobilnog bankarstva/SMS (dalje u tekstu: Opšti uslovi) Banka određuje osnove poslovnih odnosa između Banke i - fizičkih lica (u daljem tekstu: Klijent) kojima trajno ili povremeno pruža uslugu mobilnog bankarstva/SMS.

Opšti uslovi primjenjuju se na odnose zasnovane Ugovorom o korištenju usluge mobilno bankarstvo za fizička lica (Ugovor) i SMS za fizička lica (Ugovor), između Banke i Korisnika usluge mobilnog bankarstva/SMS (Usluge). Opšti uslovi primjenjuju se zajedno s odredbama internih akata Banke koji regulišu poslovanje po računima uključenim u uslugu mobilnog bankarstva/SMS za fizička lica, te obavljanje platnog prometa.

Opšti uslovi zasnovani su na zakonskim propisima i pravičnom odnosu prema klijentu, te su bazirani na sljedećim načelima:

- savjesnosti i poštenja;
- postupanja sa pažnjom dobrog stručnjaka u izvršavanju svojih obaveza;
- ravnopravnog odnosa korisnika sa Bankom;
- zaštite od diskriminacije;
- transparentnog poslovanja i informisanja;
- ugovaranja obaveza koje su određene ili određive;
- prava korisnika na prigovor i obeštećenje.

POJAM USLUGE

SMS usluga je informacijska usluga Banke koja klijentu omogućava primanje informacija o stanju i promjenama na računu putem mobilnog telefona. Sve informacije o računu klijenta stižu direktno na mobilni telefon.

Usluga mobilnog bankarstva je usluga Banke koja klijentu omogućava obavljanje finansijskih transakcija i pregled stanja računa putem mobilnog uređaja (mobitel).

Da bi se pristupilo korištenju usluge mobilnog bankarstva, neophodno je da klijent potpiše Ugovor o korištenju usluge mobilno bankarstvo za fizička lica.

OBIM USLUGE

Banka nudi određen obim usluga, koje klijent prihvata potpisom Ugovora.

Banka ima pravo bez prethodne najave proširiti obim usluga, o čemu izvještava klijenta pisanim putem, a o čemu su podaci dostupni i u poslovnim prostorijama Banke i putem web stranice Banke www.asabanka.ba

Klijent pristaje na takve izmjene, te ih u cjelosti prihvata.

SMS usluga u skladu sa potpisanim Ugovorom, klijentu omogućava obavljanje sljedećih usluga:

- ⇒ Obavijest o promjena stanja računa nakon svake obavljene transakcija,

Mobilno bankarstvo, u skladu sa potpisanim Ugovorom, klijentu omogućava obavljanje sljedećih usluga:

- ⇒ Uvid u stanje i pregled promjena po tekućem računu
- ⇒ Uvid u stanje i pregled promjena po štednim a'vista računima
- ⇒ Uvid u stanje i pregled promjena po žiro računima
- ⇒ Uvid u stanje oročenih depozita u Banci
- ⇒ Uvid u stanja i promete po kreditnim partijama
- ⇒ Uvid u stanja i promete po platnim karticama
- ⇒ Pregled izvršenih naloga i njihove strukture
- ⇒ Davanje i izvršenje naloga platnog prometa u korist primaoca unutar Banke
- ⇒ Davanje i izvršenje naloga platnog prometa u korist primaoca čiji se račun nalazi van Banke
- ⇒ Davanje naloga ranije ili na datum izvršenja
- ⇒ Pregled izvoda po računima u periodu koji god želite
- ⇒ Pregled kursne/tečajne liste
- ⇒ Kupovina, prodaja i konverzija deviza po povoljnijem kursu
- ⇒ Ostale korisne informacije o Banci (brojevi telefona, e-mail adrese, web stranice)
- ⇒ Uvid u stanje i promjene po štednim računima
- ⇒ Pregled ATM aparata i poslovnica Banke na mapama

Maksimalan dnevni limit na mBanking-u iznosi KM=10.000,00. Za iznose transakcija koje prelaze dnevni limit potrebno je dodatno odobrenje, dok je za iznose transakcija od KM=30.000,00 potrebna verifikacija transakcije i dokumentovanost iste/porijeklo transakcije u cilju utvrđivanja svrhe i izvora sredstava.

Banka omogućava klijentu uvid u informacije i obavljanje transakcija u obimu i na način naveden u Uputstvu za korištenje usluge mobilnog bankarstva.

KORISNICI USLUGE/KLIJENTI

Korisnici Usluge mogu biti fizičke osobe, građani Bosne i Hercegovine, koji u Banci imaju otvoren tekući račun (klijenti).

Osnovni tehnički preduslovi za korištenje usluge mobilnog bankarstva/SMS su mobilni telefon koji odgovara zahtjevima za korištenje aplikacije mobilnog bankarstva/SMS na način kako je to definisano Uputstvom za korištenje usluge mobilnog bankarstva/SMS, sa mogućnošću pristupa Internetu.

PREGOVARAČKA FAZA

Banka u pregovaračkoj fazi putem informacionog lista, informiše potencijalnog klijenta o svim bitnim karakteristikama usluge koju nudi.

Pružene informacije i odgovarajuća objašnjenja o uslovima proizvoda omogućavaju potencijalnom klijentu da uporedi ponude različitih davalaca istih usluga i procijeni da li Ugovor odgovara njegovim potrebama i finansijskoj situaciji.

Obaveza Banke je i da na zahtijev Klijenta, bez naknade, preda nacrt ugovora radi razmatranja istog izvan prostorija Banke, a u periodu koji je određen u standardnom informacionom listu, izuzev ako Banka u vrijeme podnošenja zahtjeva klijenta ocijeni da ne postoje uslovi za zasnivanje odnosa sa Korisnikom u konkretnom pravnom poslu.

UGOVARANJE USLUGE

SMS usluga se Ugovara dostavljanjem potrebne dokumentacije i potpisivanjem Ugovora o korištenju SMS usluge.

Usluga mobilnog bankarstva se ugovara potpisom Ugovora o korištenju usluge mobilnog bankarstva za fizička lica.

Korištenje Usluge ugovara se na neodređeno vrijeme.

Svaki ugovaratelj, odnosno klijent pristaje na primjenu ovih Opštih uslova i ostalih akata, koji se na shodan način primjenjuju na ovu uslugu.

Da bi mogao ugovoriti korištenje Usluge, klijent je dužan popuniti Zahtjev za otvaranje usluge/Pristupnicu, uz podnošenje Banci važećeg ličnog identifikacijskog dokumenta (ličnu kartu/pasoš), odnosno za SMS uslugu pored gore navedenih ličnih identifikacijskih dokumenata i kopiju pasoša i prevod identifikacionog dokumenta (na jednom od službenih jezika u BiH) ovjerenog od strane stalnog sudskog tumača u slučaju da je klijent nerezident i da mu pasoš ne glasi na jednom od službenih jezika u BiH.

Za fizička lica/nerezidente sa diplomatsko/konzularnim statusom kao validna prihvata se i kopija dokumenta koja će biti ovjerena od strane tog diplomatsko – konzularnog predstavništva.

Prilikom ugovaranja Usluge Banka može zatražiti i dodatnu dokumentaciju potrebnu za identificiranje klijenta.

Nakon odobrenja Usluge, klijentu se automatski dodjeljuju prava za korištenje SMS usluge.

Nakon odobrenja Usluge, klijentu se automatski dodjeljuju prava za korištenje mobilnog bankarstva. Klijent preuzima i instalira aplikaciju na svoj mobilni uređaj (mobitel) sa odgovarajućeg marketa (npr. „Google Play“) i prilikom prve prijave upiše aktivacijski kod. Unosom aktivacijskog koda identifikuju se uređaj i klijent, te se inicijalizira interni token uređaj u aplikaciju. Aktivacijski kod je povjerljiva informacija koja se jednom unosi i to prilikom aktivacije usluge mobilnog bankarstva. Nakon što klijent unese korisničko ime i lozinku, pristupa usluzi mobilnog bankarstva.

Po odobrenju Usluge, klijentu se omogućava korištenje svih segmenata usluge mobilnog bankarstva koji su navedeni u podtački „Obim usluge“ ovih Opštih uslova.

Također, smatrat će se da je klijent ugovorio Uslugu ako sa Bankom ugovori otvaranje takve vrste računa koja automatski uključuje uslugu mobilnog bankarstva sa ili bez prodajne akcije ili ako ugovori korištenje druge usluge Banke koja automatski uključuje i ovu uslugu.

Banka, u skladu sa uslovima svoje poslovne politike, zadržava pravo odbiti ugovaranje usluge odnosno odlučuje o odobrenju ili odbijanju pružanja usluge, bez obaveze da klijentu obrazloži svoju odluku.

Usluga je vezana uz jedinstveni matični broj fizičkih lica ili drugu jedinstvenu identifikaciju klijenta.

Datum otvaranja usluge je datum potpisa Ugovora od strane klijenta i Banke.

NAKNADA

Ovim Opštim uslovima poslovanja definisane su naknade i drugi troškovi koje Banka naplaćuje klijentima, dok će cijena istih biti određena kroz provedbene akte koje usvaja Uprava Banke. Za korištenje usluge, Banka će klijentu zaračunavati mjesečnu naknadu u skladu sa Tarifom naknada za proizvode i usluge u poslovanju sa domaćim i stranim fizičkim licima.

Također, za obavljanje platnog prometa putem Usluge, naplaćuje se naknada za pojedinačno obavljena plaćanja u skladu sa Tarifom naknada za proizvode i usluge u poslovanju sa domaćim i stranim fizičkim licima, važećom u vrijeme plaćanja. Banka će zaračunavati i naknade za otkazivanje usluge i troškove izdavanja novog aktivacijskog koda, na zahtjev klijenta.

Svojim potpisom na Ugovoru, klijent potvrđuje da je sa navedenim naknadama upoznat, te da pristaje na njihovu primjenu.

Klijent ovlašćuje Banku, da bez ikakvog dodatnog odobrenja ili saglasnosti, naknade za korištenje

Usluge mobilnog bankarstva, naplati iz sredstava sa svih njegovih računa otvorenih u Banci.

Tarife naknada za proizvode i usluge u poslovanju sa domaćim i stranim fizičkim licima kao svojevrsan cjenovnik uslužnih poslova su, s obzirom na prethodno navedeno, promjenjiva kategorija i mijenjaju se s vremena na vrijeme u skladu sa poslovnom politikom Banke, uslovljene ekonomskom opravdanošću poslovanja.

Tako promijenjene tarife će se primjenjivati na zaključeni Ugovor uz prethodno obavještanje klijenta, prije stupanja izmijenjenih tarifa na snagu, bez obaveze zaključivanja aneksa na Ugovor i/ili pribavljanja saglasnosti za primjenu od strane klijenta.

Smatra se da je klijent prihvatio promijenjenu naknadu ako ne otkáže uslugu u roku od 15 dana od prve naplate po novoj tarifi.

Pisana obavijest klijenta o neslaganju i neprihvatanju izmijenjenih tarifa po ovom Ugovoru, smatra se ujedno otkazom, nakon čega Banka ima pravo da proglasi dospelim sva eventualna potraživanja prema klijentu, a klijent ima obavezu da izvrši ukupan povrat svih eventualnih preostalih dugovanja po Ugovoru.

Tarife su dostupne na svim šalterima Banke i na web stranici Banke: www.asabanka.ba i sa istim se klijent može upoznati i komparirati sa tarifama drugih banaka, slobodno i neuslovljeno izborom poslovne banke sa kojom će eventualno biti zaključen ugovor o računu, o čemu odluku klijent usluge donosi potpuno neovisno i samostalno.

SIGURNOST

Radi sigurnosti obavljanja transakcija, Banka klijentu dodjeljuje jednokratni kod za aktivaciju softverskog tokena koji je otvaranjem usluge instaliran na korisnikov mobilni uređaj.

Klijent je dužan koristiti sigurnosni uređaj (mobilni uređaj) na način propisan bančnim uputstvima, te ga čuvati od oštećenja i neovlaštenog korištenja. Klijent je dužan čuvati tajnost svih lozinki koje koristi u radu sa Uslugom koja mu se dodjeljuje nakon otvaranja Usluge. Eventualnu štetu nastalu nepridržavanjem ovih odredbi snosi Klijent.

NALOZI ZA PLAĆANJE

Kod Usluge, nalozi se izvršavaju na način propisan aktima o platnom prometu, važećim u trenutku obavljanja plaćanja ili prenosa. Uvidom u promete po računu, klijent je dužan pratiti ishod finansijskih transakcija obavljenih putem Usluge. Banka ne snosi odgovornost u slučaju kad je nalog odbijen u sistemu platnog prometa, a zbog greške klijenta.

U slučaju nemogućnosti provođenja usluge zbog trenutnog statusa računa, Banka neće izvršiti traženu uslugu.

RASPOLAGANJE SREDSTVIMA

Klijent raspolaže sredstvima na svim računima do visine sredstava na računu, uključujući i dozvoljeno prekoračenje.

Klijent snosi svu štetu koja može nastati nepridržavanjem Opštih uslova ili ako treća osoba zloupotrijebi pristup sigurnosnom uređaju i/ili poznavanje klijentovih lozinki. Banka garantuje za izvršenje naloga u skladu sa Opštim uslovima i aktima navedenim Opštim uslovima. Banka ne snosi odgovornost u slučaju kada klijent ne može koristiti Uslugu zbog smetnji u telekomunikacijskim kanalima, te zbog drugih okolnosti koje su izvan kontrole Banke.

BLOKADA USLUGE

Banka će, ako posumnja da postoji zloupotreba, privremeno blokirati obavljanje Usluge i o tome obavijestiti klijenta. Banka će privremeno blokirati obavljanje Usluge ili će raskinuti ugovor ako se klijent ne pridržava ugovornih odredbi, ovih opštih uslova i internih akata koji regulišu ovu oblast. Klijent može zatražiti privremenu blokadu obavljanja Usluge predajom pisanog zahtjeva u bilo kojoj poslovnicu Banke. Smatra se da je tim momentom klijent obavijestio Banku o svom zahtjevu.

OBAVEZE I ODGOVORNOSTI KLIJENTA

Prilikom korištenja usluge mobilnog bankarstva/SMS, klijent je dužan da poštuje Opšte uslove i da se pridržava uputstava za korištenje usluge, kao i zakonskih propisa.

Klijent je prije početka korištenja Usluge dužan osigurati minimalne potrebne uslove za korištenje mobilnog bankarstva/SMS, što podrazumijeva mobilni uređaj (mobitel) i pristup internetu. Pristup internetu za korištenje usluge obezbjeđuje klijent o svom trošku.

Broj telefona koji klijent mora navesti u Ugovoru je klijentov broj mobilnog telefona na koji se šalju SMS poruke. U slučaju promjene broja mobilnog telefona ili bilo kojeg drugog podatka iz Ugovora, klijent se mora odmah javiti u podružnicu Banke, a Banka se obavezuje pristupiti po zatraženoj promjeni u roku od 3 (tri) radna dana od klijentove obavijesti.

Klijent je dužan preuzeti aplikaciju mobilnog bankarstva sa odgovarajućeg marketa (npr. „Google Play“) i istu instalirati na mobilni uređaj (mobitel). Banka je jedini ovlašteni izvor koji obezbjeđuje aplikaciju mobilnog bankarstva i najnoviju verziju iste. Klijent je obavezan preuzeti najnoviju verziju aplikacije mobilnog bankarstva.

Klijent je dužan prilikom prve prijave upisati aktivacijski kod, koji služi za verifikaciju identiteta klijenta i uređaja.

Klijent je dužan u aplikaciji unijeti korisničko ime i lozinku za prijavu na Uslugu.

Klijent je dužan čuvati tajnost korisničke identifikacije. Klijent prihvata potpunu odgovornost za sve obaveze i štetu nastalu povredom tajnosti njegove korisničke identifikacije. Klijent snosi odgovornost za pravilno korištenje identifikacionih sredstava i odgovoran je za štetu koja nastane kao posljedica neodgovorne upotrebe identifikacionih sredstava i na osnovu toga emitovanih elektronskih naloga platnog prometa od strane klijenta.

Klijent je dužan odmah i neizostavno obavijestiti (pisanim putem) Banku o neautoriziranoj upotrebi njegove korisničke identifikacije i o svakom drugom obliku kršenja sigurnosti sa kojom bude upoznat. Klijent snosi svu štetu koja može nastati zbog gubitka, neovlaštenog korištenja ili promjene broja mobilnog telefona na koji prima SMS poruke, te ne pridržavanja ovih opštih uslova.

Ukoliko klijent posumnja ili utvrdi da je sa njegovom lozinkom upoznata neka druga osoba, istu može sam promijeniti u bilo kojem trenutku na način opisan u Uputstvu za korištenje mobilnog bankarstva.

Klijent je dužan koristiti Uslugu na način propisan Uputstvom za korištenje usluge mobilnog bankarstva. Dokument je dostupan svim korisnicima usluge, u poslovnicama Banke i na zvaničnoj web stranici www.asabanka.ba

Klijent se obavezuje da će poslovati u visini pokrića na svom računu, u skladu sa važećim ugovorom sklopljenim sa Bankom, kao i važećim zakonskim propisima.

Obaveza i odgovornost Klijenta je pravilan i potpun unos podataka. Banka ne odgovara za realizaciju pogrešno kreiranih i emitovanih elektronskih naloga od strane klijenta.

Klijent je dužan pravovremeno obavijestiti Banku o svim promjenama podataka (broj mobilnog telefona, adresa, izmjene imena i prezimena, izmjena ličnih dokumenata i slično) koji mogu utjecati na uspješno izvršavanje svih ugovornih obaveza, a najksanije u roku od 8 dana od dana izvršene promjene. Banka neće biti odgovorna za štetu koja nastane zbog promjena koje Banci nisu bile poznate, a o kojima je klijent bio dužan obavijestiti Banku. Obavijesti koje ugovorne strane upućuju jedna drugoj moraju biti u pisanoj formi i upućuju se na adrese ugovornih strana navedene u ovom ugovoru, odnosno na adresu o kojoj je jedna ugovorna strana naknadno, u pisanom obliku, obavijestila drugu ugovornu stranu izričito kao o promjeni adrese. Obavijesti koje jedna ugovorna strana dostavlja drugoj ugovornoj strani proizvode pravne učinke sa danom predaje na poštu. Banka može, s vremena na vrijeme, zahtijevati dopunu dokumentacije, u zavisnosti od propisa u poslovanju, a Korisnik usluge je obavezan postupati po zahtjevu Banke.

OBAVEZE I ODGOVORNOSTI BANKE

Banka obrađuje Zahtjev za otvaranje usluge mobilnog bankarstva/SMS u skladu sa Opštim uslovima, kao i u skladu sa važećim zakonskim propisima. Svi postupci klijenta se računarski evidentiraju.

Računarski zapis postupaka, Banka čuva u skladu sa važećim zakonskim propisima.

U sklopu SMS usluge, Banka klijentu nudi usluge koje se sastoje od slanja poruka određenog sadržaja. Banka zadržava pravo izmjene vrste i obima usluga koje nudi bez predhodne najave. Klijent je saglasan sa primanjem dodatnih poruka informativnog ili drugog karaktera od strane Banke bez naknade. Banka nije odgovorna za tajnost informacija nakon njihovog primanja na defenirani mobilni telefon klijenta, te nije odgovorna za zloupotrebe nastale tim putem. Banka nije dužna provjeriti vlasništvo mobilnog telefona navedenog u Ugovoru.

Preduslov realizacije elektronskih naloga jeste da je klijent dostavio ispravno popunjen nalog, te da je za realizaciju istog obezbijedio dovoljno sredstava na računu sa kojeg vrši plaćanje, pri čemu se pod sredstvima za izvršenje podrazumijeva minimalno iznos za plaćanje unesen na elektronski nalog, uvećan za iznos naknada Banke.

Banka će izvršavati naloge za plaćanje kada su ispunjeni svi uslovi za izvršenje, u skladu sa važećim zakonskim propisima koji regulišu obavljanje platnog prometa.

Banka zadržava pravo da izvrši privremenu blokadu korištenja usluge ako postoji sumnja ili mogućnost zloupotrebe.

Banka ne preuzima odgovornost za štetu koja nastane do trenutka prijave gubitka, krađe ili sumnje na zloupotrebu identifikacionih sredstava ili mobilnog telefona.

Banka će troškove izdavanja novog identifikacionog sredstva (aktivacijskog koda) naplatiti od klijenta prema Tarifi naknada za proizvode i usluge u poslovanju sa domaćim i stranim fizičkim licima.

Banka ne snosi odgovornost u slučaju neizvršavanja elektronskog naloga, nastalog zbog greške klijenta.

Banka ne odgovara za smetnje i prekide na telekomunikacionim mrežama, za greške koje nastanu pri prenosu podataka putem telekomunikacione mreže, za onemogućen pristup (zbog različitih uzroka) usluzi, kao i za moguću štetu nastalu zbog gore navedenog.

OTKAZ USLUGE

Klijent može bilo kada otkazati Uslugu. Otkaz Usluge moguće je obaviti u bilo kojoj podružnici Banke uz prezentovanje identifikacionog dokumenta. Za otkaz Usluge, potrebno je popuniti pisani zahtjev.

Banka zadržava pravo odmah jednostrano otkazati korištenje usluga ukoliko klijent prekorači svoja prava, krši odredbe Opštih uslova, te zakonske propise, kao i zbog osnovane sumnje na zloupotrebu.

Banka zadržava pravo jednostranog otkaza korištenja usluge i ukoliko klijent u periodu od 3 (tri) obračunska ciklusa zaredom na tekućem računu ne obezbijedi sredstva za naplatu naknade za korištenje usluge.

U slučaju otkaza korištenja usluge od strane Banke ili klijenta, klijent je obavezan izmiriti sve do tada nastale obaveze, troškove i naknade u skladu sa važećom Tarifom naknada za proizvode i usluge u poslovanju sa domaćim i stranim fizičkim licima.

U slučaju da klijent ne izvrši istovremeno izmirenje svih do tada nastalih obaveza, troškova i naknada, Banka zadržava pravo naplate u skladu sa Tarifama naknada za proizvode i usluge u poslovanju sa domaćim i stranim fizičkim licima sa bilo kojeg računa klijenta otvorenog u Banci.

OBAVJEŠTAVANJE I REKLAMACIJE

Banka izvodom po tekućem računu ili drugom vrstom obavijesti, obavještava klijenta o izvršenim prijenosima sredstava ili plaćanjima. Banka može putem različitih kanala distribucije obavještavati klijenta o novim proizvodima i uslugama iz poslovne domene. Izvod Banka dostavlja prema dinamici i na način ugovoren s klijentom. Izvod sadrži podatke o obavljenom plaćanju, te služi kao dokaz o plaćanju u slučaju klijentova prigovora. Klijent je obavezan voditi vlastitu evidenciju o prometima po računima, a izvod po računu i potvrda o obavljenom plaćanju, koja se izdaje na zahtjev klijenta, jedini su pravovaljani dokumenti o provedenim poslovnim promjenama.

Vlasnik računa za sve reklamacije vezane uz korištenje računa, kontaktira lično ili obavještava pisanim putem podružnice u kojoj je isti otvoren, uz predočenje dokumentacije o nastalim troškovima. Vlasnik računa je dužan da reklamaciju uputi najkasnije u roku od 15 dana od datuma izdavanja izvoda.

Banka je dužna u roku od 30 dana od dana podnošenja reklamacije dostaviti Vlasniku računa izjašnjenje po istoj.

PRAVO NA PRIGOVOR

Klijent može Banci podnijeti prigovor kada smatra da se Banka ne pridržava odredaba zakona, podzakonskih propisa, općih uslova poslovanja, dobrih poslovnih običaja i obaveza iz zaključenog ugovora, a prigovor može uputiti usmeno i/ili pismeno putem pošte na adresu sjedišta Banke, Trg Međunarodnog prijateljstva broj 25, 71000 Sarajevo, na adresu svih organizacionih dijelova Banke van sjedišta čije se adrese nalaze na web stranici Banke, putem fax-a ili putem elektronske pošte na adresu: info@asabanka.ba Banka je dužna postupati po podnesenom prigovoru u skladu sa zakonom i podzakonskim propisima, te dostaviti odgovor na podneseni pismeni prigovor u roku od 30 (trideset) dana od dana podnošenja pismenog prigovora. Ako Banka podnosiocu prigovora ne dostavi odgovor u roku iz prethodnog stava ili ocijeni da je njegov prigovor neosnovan ili podnosilac prigovora ne prihvati prijedlog povjerioca za rješenje spornog odnosa, može u pisanoj formi obavijestiti Agenciju za

bankarstvo FBiH da je nezadovoljan ishodom postupka po prigovoru kojeg je provela Banka ili uložiti Agenciji za bankarstvo FBiH pisani prigovor na rad Banke, u roku od 3 mjeseca od dana prijema odgovora Banke ili isteka roka iz prethodnog stava ovog člana, ako Banka nije dostavila odgovor podnosiocu prigovora. Adresa Agencije za bankarstvo FBiH je Zmaja od Bosne 47b, 71000 Sarajevo.

ZAŠTITA TAJNOSTI PODATAKA O RAČUNU

Podatke o klijentu, Banka je dužna čuvati kao poslovnu tajnu, u skladu sa Zakonom o zaštiti ličnih podataka i Zakonom o Bankama, izuzev kada je zakonskim i podzakonskim propisima dužna dati informacije nadležnim organima.

Banka će obradu ličnih podataka klijenata vršiti samo u mjeri koja je potrebna za redovno poslovanje Banke, a sve u skladu sa Zakonom o zaštiti ličnih podataka.

Klijenti i eventualni drugi učesnici u ugovornom odnosu, obavezni su bez odlaganja pisanim putem obavijestiti Banku o svakoj promjeni adrese svog prebivališta ili boravišta, poslodavca ili njegovog sjedišta. Do prijema pisane obavijesti o novoj adresi, sve dostave koje su izvršene od strane Banke na do tada poznatu adresu - vrijede.

ZAVRŠNE ODREDBE

Na sve što nije izričito navedeno u ovim Opštim uslovima poslovanja primjenjuju se odredbe važećih zakonskih i podzakonskih propisa kojima je regulisana ova materija.

Opšti uslovi su dostupni na vidnom mjestu u svim poslovnim prostorijama Banke i službenoj web stranici www.asabanka.ba

Izmjene i dopune Opštih uslova, Banka ističe na vidnom mjestu u svojim poslovnim prostorijama i na službenoj web stranici, i to najkasnije 15 dana prije početka njihove primjene. Banka je dužna, na zahtjev klijenta, u pisanom obliku ili na drugom trajnom nosaču podataka, dostaviti mu Opšte uslove poslovanja.

Smatrat će se da je klijent prihvatio izmijenjene Opšte uslove poslovanja ako u roku od 15 dana od dana kada su izmijenjeni Opšti uslovi poslovanja postali dostupni, ne otkáže Ugovor Banka zadržava pravo usklađivanja Opštih uslova poslovanja sa zakonskim, podzakonskim aktima i poslovnom politikom Banke.

U slučaju da odredbe ovih Opštih uslova poslovanja budu izmijenjene novim zakonskim propisima, primjenjivat će se ti propisi sve do izmjene i dopune ovih Opštih uslova poslovanja, tj. usklađivanja sa propisima.

U slučaju neusaglašenosti jedne ili više odredbi ugovora koji Banka zaključuje sa klijentom i ovih Opštih uslova, primjenjuju se odredbe ugovora.

Potpisivanjem Ugovora o otvaranju i korištenju -usluge mobilnog bankarstva i SMS , kao izraza slobodno izražene volje i predhodne neovisne i lične prosudbe svih uslova poslovanja Banke, klijent potvrđuje da je prije zaključenja Ugovora upoznat sa Opštim uslovima, da ih je pročitao, razumio i prihvatio njihovu primjenu.

Banka kao ugovorna strana se obavezuje da će sve podatke primljene od klijenta, a koji su zaštićeni kao povjerljivi i tajni, čuvati u skladu sa Zakonom o zaštiti ličnih podataka i drugih zakonskih propisa koji definišu ovu oblast.

Opšti uslovi stupaju na snagu danom usvajanja a primjenjuju se po isteku 15 dana od dana njihove objave u svim poslovnim prostorijama Banke i službenoj web stranici www.asabanka.ba.

Primjenom u poslovanju ovih Opštih uslova stavljaju se van snage Opšti uslovi kreditnog poslovanja sa stanovništvom Broj: 01/2-10015-3e-1/18 od 20.09.2018. godine.

Broj: 01/2-13520-3f-1/19
Sarajevo, 22.11.2019. godine